

# **Općine u Unsko-sanskom kantonu moraju na vrijeme napraviti nacrt budžeta za 2006.g.**

Ured Visokog predstavnika i Misija OSCE-a u Bosni i Hercegovini sa zabrinutošću su primili informaciju da vlasti Unsko-sanskog kantona nisu obezbijedili fiskalne smjernice i uputstva, na osnovu kojih bi općinski zvaničnici počeli planirati svoje budžete za 2006.g.

Uprkos nesigurnosti izazvanoj promjenama u sistemu direktnog i indirektnog oporezivanja, OHR i OSCE žele jasno staviti na znanje da općine imaju sredstva – i obavezne su – usvojiti budžete za iduću godinu na vrijeme.

Općine imaju odgovornost prema građanima, naročito u smislu pravilnog raspolaganja s novcem poreskih platiša. Oslanjati se na „ odluke o privremenom finansiranju“, kao što su to nagovijestile neke općine, iako legalna opcija, nije u skladu s ovom obavezom.

Općine moraju uzeti u obzir iznose prikupljenih prihoda u 2004.g., kao i prihode prikupljene u prvih devet mjeseci 2005.g. Ovo će im omogućiti pravljenje nacrt budžeta za dolazeću godinu, u kojoj će biti uveden novi poreski sistem.

Nacrt budžeta napravljen na osnovu sveobuhvatnih razgovora sa svim budžetskim korisnicima i javnošću, uvijek se može prilagoditi okolnostima koje se mijenjaju. Drugim riječima, čak i ako ne postoji jasan sistem dodjele poreskih prihoda, rad budžeta mora početi i završiti na vrijeme.

Mi snažno preporučujemo općinama Unsko-sanskog kantona da

usvoje budžete za 2006.g. – u približnom iznosu kao u 2005.g.  
– prije kraja godine.